



OKVIRNI SPORAZUM o javnoj nabavci električne energije

KJKP Sarajevogas, Sarajevo, Ul.Trg Fadile Odžaković Žute 4, Sarajevo, BiH,
Koga zastupa: V.D. Direktora Preduzeća Sejfo Ušanović, dipl.oec., (u daljem tekstu: Kupac),
i
«JP Elektroprivreda BiH d.d.», Ul. Vilsonovo Šetalište 15, 71000 Sarajevo, BiH,
Koga zastupaju: Generalni direktor Bajazit Jašarević i
izvršni direktor za snabdijevanje i trgovinu Džemo Borovina, (u daljem tekstu: Snabdjevač),

Član 1.

Predmet ovog Okvirnog Sporazuma je snabdijevanje električnom energijom i obračun i fakturisanje usluga korištenja mreže prema utvrđenim uslovima korištenje distributivne mreže Operatora distributivnog sistema (u daljem tekstu: ODS), definisanje odnosa, prava i obaveza između Snabdjevača i Kupca koji ima status kvalifikovanog kupca električne energije. po provedenom otvorenom postupku nabavke broj: TD-05-36/19, a shodno čl.32. Zakona o javnim bawkama i ponudi prodavca roba.

Član 2.

Okvirni Sporazum se zaključuje u ukupnoj vrijednosti roba u iznosu od **157.462,32 KM** bez PDV-a (slovima: stopedesetsedamhiljadačetiristotinešezdesetdva i 32/100KM), a koju čine nabavka električne energije u iznosu od **109.038,00 KM** i naknade za mrežarinu i obnovljive izvore energije (naknade izuzete od primijene ZJN) u iznosu od **48.424,32 KM**.

Potpisivanjem ovog okvirnog sporazuma Kupac ne preuzima obavezu niti garantuje izvršenje nabavke predmetnih roba u bilo kojem obimu ili vrijednosti, a naročito ne u iznosu iz predhodnog stava.

Obaveza nastaje tek zaključivanjem pojedinačnog ugovora o javnoj nabavci roba iz čl. 1 ovog ugovora.

Član 3.

Okvirni sporazum se zaključuje za **period od 2 (dvije) godine** prema Obrascu za cijenu ponude broj: SP-OJ04-TD-05-36/19-01, koji je priložen ovom okvirnom sporazumu i predstavlja njegov sastavni dio.

Ponuđene cijene za artikle iz tabele B. (mrežarina) i tabele C. (obnovljivi izvori) Obrasca za cijenu ponude su promjenjive i mogu se mijenjati u toku izvršenja ugovora u skladu sa promjenom cijena odobrenom od strane nadležnih regulatornih tijela za električnu energiju u BiH.

Ponuđene cijene za artikle iz tabele A. (električna energija) Obrasca za cijenu ponude su fiksne i neće se mijenjati tokom trajanja ugovora.

Član 4.

Za period naveden u čl. 3. stav 1., ugovorne strane će zaključivati pojedinačne ugovore o nabavci roba iz čl.1. ovog okvirnog sporazuma prema potrebama kupca.

Snabdjevač će artikle iz tabele A. (električna energija) isporučivati sukcesivno svakodnevno prema specifikaciji SP-OJ04-TD-05-36/19-01, nakon zaključenja ovog ugovora.

Za svaki dan kašnjenja u isporuci roba kupac će snabdjevaču zaračunati penale u iznosu od 1% s tim da iznos penala ne može preći 5% ukupne vrijednosti ugovora iz člana 4. stav 1. ovog okvirnog sporazuma.

Član 5.

Snabdjevač će obračun isporučenih roba vršiti mjesečno. Kupac će plaćanje izvršiti nakon isteka roka od **45 dana (slovima: četrdesetpetdana)**, a po prijemu uredno ispostavljene poreski ispravne fakture za isporučene robe na transakcijski račun snabdjevača roba naveden na fakturi.



Član 6.

Na sve što nije regulisano ovim Okvirnim Sporazumom primjenjivat će se odredbe sljedećih propisa: Zakon o električnoj energiji, Zakon o obligacionim odnosima, važeći akti: Pravilnik o snabdijevanju kvalifikovanih kupaca električnom energijom i postupku promjene snabdjevača (u daljem tekstu „Pravilnik o snabdijevanju“), Opšti uslovi za isporuku električne energije (u daljem tekstu „Opšti uslovi“), Mrežni kodeks, Tržišna pravila, Odluka o tarifnim stavovima za korisnike distributivnog sistema Snabdjevača JP Elektroprivreda BiH d.d., Sarajevo, Zakon o korištenju obnovljivih izvora energije i efikasne kogeneracije, Dozvola za rad –Licenca za obavljanje elektroprivredne djelatnosti snabdijevanja električnom energijom II reda, Zakon o finansijskom poslovanju i akti koji u toku važenja ovog Sporazuma na novi način urede pitanja regulisana navedenim propisima, odnosno aktima, kao i ostali zakonski i podzakonski akti koji tretiraju ovu materiju.

Član 7.

Odredbe ovog Okvirnog Sporazuma ne mogu se mijenjati nakon njegovog zaključenja.

Član 8.

Ovaj Okvirni Sporazum primjenjuje se danom potpisivanja od obje ugovorne strane.

Član 9.


Sve eventualne sporove ugovorne strane će rješavati mirnim putem, a ako u tome ne uspiju nadležan je sud u Sarajevu.

Član 10.

Okvirni Sporazum sačinjen je u 4 (četiri) primjeraka od kojih svaka od ugovornih strana zadržava po 2 (dva) primjerka.


Za Snabdjevača:



Generalni Direktor Bajazit Jašarević


Izvršni direktor za snabdijevanje i trgovinu
Džemo Borovina

Broj ugovora, 01-04-303/2020
07.01.2020

Za Kupca:


V.D. Direktora preduzeća Sejfo Ušanović, dipl.oec.


Izvršni direktor Mr. Mehmed Mehović, dipl.oec.

Broj ugovora, 233/19
27-12-2019

